

tum, iustoq; modo assumptum, nemini mortem intulisse, eiusq; corrigendi rationem posterius subnectit. Quod si ergo tantorum virorum testimonijs scite præparatum hydrargyrum innoxie absorbeatur, an solis Chymicis id fraudi erit: siq; remediorum præparandorum ordini adscripserint, dignam antiquorum recentiorumq; Medicorum offensionem incurrent?

SULPHUR calidum, & tenuis essentia, venenis resistit. At cum tanto calore sit præditum, ut diutius inhærens exulceret, teste Galeno, non immerito videbuntur interiori corpori metuere, qui audiuerint, omni timore posito, à Chymicis artificibus præscribi. His tamen non repugnant veteres. Cum enim discutiat, & celeriter concoquat, tussibus, suspiriosis, purulenta extussientibus in ovo profuturum Dioscorides affirmat. Si anhelationes corripuerint mulierẽ, fabæ magnitudine sulphur, cum nitro tritum, vinoque dilutum propinat Hippocrates: & ut suffitu per nares, & per fistulas attrahant angina correpti, tertio de morbis præcipit. Nec sui oblitus Ga-

9. simpl.

6. medic.
general. c. 2

Li. 5. c. 63.

De nat. mul.
liebri.3. Medic.
localium 5.

C 4

lenus